

ENFORMAZIUNS Y COMUNICAZIUNS

Zelebraziun dla Parora: Dan da n'edema èl sté na encuntada olache an à baié dla Zelebraziun dla Parora de Dio (Liturgia dla Parora). En vëndres ai 16 de merz ales 20.00 saràl te calogna baséte na encuntada olache an metarà jö deboriada na funziun, che an zelesbràr spö plü ennant te dlijia. Chi co ô daidè è bënödüs.

Seniorenclub: En dédemesaledema ai 14 de merz vëgnel fat le iade sö Oies. An pëia ia con le bus ales 2 dômsidè dan le Cone. Da s'anunzié èl pa Lidia al 339/7899107.

Jogn: Cöst' edema sarà le local dai jogn d'Al Plan davert en dédemesaledema ai 14 de merz dales 13:30 ales 15:30 y en sabeda ai 17 de merz dales 18.00 ales 22.30. Düc i jogn dai 11 ai 18 agn è enviès da gni a passé le tomp lède deboriada. Al è debann.

Musiga d'Al Plan: La Musiga d'Al Plan enviëia en dédemesaledema, ai 14 de merz dales 19:00 te local dla musiga, a na sèra d'enformaziun por i geniturs de mituns da 7 agn ensö, co à enteres da emparé en stromont dla musiga (a flé o percusciun) pla Scora de Musiga Val Badia. Por domandes plü avisa damané Michael al 393/0482855 o Ivan al 340/7533968.

Ères: Ince les ères dla Val Badia tol pert eniann al pelegrinaje en Jënn, deboriada con les ères de dōta la diozeja, en sabeda ai 24 de merz. Al vën organisé en bus co pëia ia da Colfosch y passa jö por la valada. A Tluses s'encuntun con l'ater grup por jì deboriada en prozesciun sön Jënn, olache al gnarà zelesbré na bela funziun te Dlijia. Dōtes les Ères dal Decanat è enviades al pelegrinaje. Al è na bona ocasiun por s'encunté y perié deboriada. Por i orars dal bus y prenotaziuns: cina ai 18 de merz pa Clara al 0474/501850.

Curs: Al vën organisé en curs de ingeleje por prinzipiané y plü progredis (beginners & elementary), con Giuliana Materzanini, a Al Plan, tal salf dla Raiffeisen. La pröma encuntada è en jöbia ai 15.03 ales 9, y endöt saràl 10 leziuns de dōes ores. Enformaziuns y iscriziuns pa giuliana.materzanini@unimi.it, anter i 9.03. Cost: 150,00€ + max. 20,00€ por material. Ai 12.03 ales 9 encuntada danfora por stabili i livi y i grups.

Biblioteca: La biblioteca "Sas dla Crusc" enviëia düc cané en sabeda ai 17 de merz ales 20.00 da gni te biblioteca sön Badia al referat y ala prejentaziun dal liber dal chirurgh dr. Vida Vladimiro "Mia esperionza desco cardiochirurgh dai mituns tal Guatemala!"

Comun: Le Comun de Mareo lascia alessëi che ai 19 de merz vëgnel coü adöm le ciomont da tosser, dales 11.30 ales 12.30 jö Longega (Plaza de Bastl). An po dé jö patris, corusc, toner, neon, medejines tomares, contegnidus spray, y e.e.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.
Telefönn y fax de calogna: 0474 501006. Radio Ploania: MhZ 93,00
Comunicaziuns - cina al dédemesaledema sèra - da mené a: Pablo Palfrader
Tel. 333 4762010 Mail: ploaniaalplan@gmail.com
Ploania da descárié sön www.comun.mareo.bz.it y sön www.valbadiaonline.it



Ploania
d'Al Plan
de Mareo

La plata de Ploania

E-Mail: ploaniaalplan@gmail.com - Radio: 93,00 MhZ

3. Domëgna de Carsëma, ann B, ai 11.03.12 - nr. 16

"NO FAJEDE EN MARGÉ FORA DLA CIASA DE MIO PERE!"


Dal vagnele dô San Jan, 2, 13-25

¹³La festa de Pasca dai iüdes ea damprò, y Gejü è jü sö Ierusalem. ¹⁴Tal tëmpl àl cialé i sciacheri de armoné, biesces y colombes y i chi co baratà scioldi, co ea sontès enlò. ¹⁵Dô ch'al à fat na scoriada de cordes i àl paré düc fora dal tëmpl adöm con les biesces y i armoné; i scioldi de chi co i baratà àl jüté fora, y söes mëses àl rosedé sotissora. ¹⁶Ai sciacheri de colombes ti àl dit: Jide demez con cösc patüc, no fajede fora dla cïasa de mio Pere en salf da marcé. ¹⁷Sü discepoli se recordà dla parora dla Scritöra: La pasciun por mia cïasa mo consumëia. ¹⁸Sön cösta l'à i iüdes tut a cunt: Cï sëgn nes làsceste pa odëi por desmostré che te pos fà cösc? ¹⁹Gejü ti à rospognü: Tirede jö cösc tëmpl, te trëi dis le fajarài endô sö. ²⁰Enlò à dit i iüdes: Carantessis agn alalungia èl gnü frabiché pa cösc tëmpl, y tö ôs le fà sö te trëi dis? ²¹Mo èl minà le tëmpl de so corp. ²²Dô ch'al ea rosseri dai moré, s'à

sü discepoli recordé ch'al à albü dit cösc, y ai cherdea ala Scritöra y ala parora che Gejü à albü dit. ²³Dertan ch'al ea a Ierusalem por la festa de Pasca, ea trec roës a crëie te so ennom, canch'ai odea i sëgns ch'al fajea. ²⁴Mo Gejü ne se confidà nia con ëi, deache al i conescea düc, ²⁵y al n'adorà da degügn na testimonianza sön l'ater; cïodich'al sà cï ch'al ea tla jont. *Parora dal Signur. Lalt a té, Gejü Crist!*



- 1. Letöra:** dal Liber dal Èsod, 20, 1-17
Salm 19 (18): "Tö as parores de vita eterna." - R
- 2. Letöra:** 1. Lëtra de San Paul a chi da Corint, 1, 22-25



11.03 - 3. Domëgna de Carsëma

1. Oferta Quatember

6.00: Mëssadora ia La Pli

9.30: Corona

10.00: S. Mëssa por dōta la Ploania

18.00: S. Mëssa por vis y +nc dla fam. Castlunger Lois y Oliva
por +nc Canzio y Rita Comploi de Mano
por +nt Alfonso Vittorio Coppola
por les Püres Animes

Lönesc 12.03 - dla 3a edema de Carsëma: Beatrix, Gregöre

7.25: S. Mëssa

por +nt Hans Rindler de Brüschia

por +nc de Maria Complojer da Runcac

por +nta Notburga Erlacher Rindler/Berto

Dédölönesc 13.03 - dla 3a edema de Carsëma: Paulina, Leander, Judith

7.45: S. Mëssa ia La Pli

17.00: VIA CRUCIS - Les Staziuns

Dédemesaledema 14.03 - dla 3a edema de Carsëma: Metilde, Konrad, Gottfried

18.00: S. Mëssa

por +nta Mima Ties

por +nt Giovanni Miribung

Jöbia 15.03 - dla 3a edema de Carsëma: Clemens Maria Hofbauer, Loise, Pio

17.00: VIA CRUCIS - Les Staziuns

Vëndres 16.03 - dla 3a edema de Carsëma: Gummar, Heribert, Ilare

7.10: S. Mëssa

por +nta Loise Maneschg da Čiane

dai scolari

por +nc de Marianna Call de Iosc


Sabeda 17.03 - Sancta Maria in Sabato: Patrick, Gertrud, Jan

18.00: S. Mëssa

dal ann por +nt Pepi Pescoller dal Joblère

por +nt Angelo Call de Iosc

por +nc Lois y Lukas Maneschg



Oferta por la Ploania

18.03 - 4. Domëgna de Carsëma - Laetare

6.00: Mëssadora ia La Pli

9.30: Corona

10.00: S. Mëssa por dōta la Ploania

18.00: S. Mëssa por +nt Franz Feichter de Valciapa
por +nt Tone Comploi dal Tabach
por +nc Palfrader da Viena

ZITAT

“Cis i mituns, mo nia mâ ëi, empara la fede cristiana nia tres la teoria, mo tres la pratica. Ai la empara dai sègns che ai vëiga defora. Či che Nadé, Pasca, Pasca de Mà, na festa de Santa Maria o la Domëgna è, empara i mituns sce chisc dis vën tignis y tres la preparaziun a d’ëi.”

Vësko Ivo Muser, te sōa cherta pastoral

La scincunda plü bela

Na copia de geniturs jogn ea en Niade jüda tla plü bela botëga de jüc de dōta la ciüté. Dio alalungia čiarâi a chi bi jüc da corusc, sōles scafes, tachês sössot, sön i bancuns. Al ea popes co bradlà y riea, jüc eletronic, čiasesdafü en miniatōra olache ara jea da cujiné tortes y pizzas.

Ai n’ea nia bogn da tó na dezijiun. Na lodnera dër da orëi bun ti jea pomez.

Te chël dij la ëra: “Odëise, nos àn na mōta dër picera, mo i sun demez da čiasa dōt le dé y gonot inče da sëra.”

“Al è na mōta co s’la rî püch“, jea ennant l’ël. „I orëssun ti cumpré val’ co ti fej ligrëza“, enjuntâ spo endô la ëra, „inče canche nos ne sun nia... Val’ co ti dâi ligrëza inče canche ara è dassora.”

“Al mo displej“, dijea la lodnera con respet, “Mo nos ne venun nia geniturs.”

Tó la dezijiun da avëi en mōt ô dî se tó sō con ël le debit plü gran che la mont



pò s’emponsé. Düc i pici vën da nos con l’envit por la vita y nes dij: „Te m’as cherdé. I sun atlò. Či mo daste pa?“ Tlò mët man l’educaziun. (Bruno Ferrero)

TIM & LAURA

www.WAGHUBSTINGER.de



SORVISE DAI MINISTRONE

Domëgna 11 de merz - 10.00: Alex Rubatscher, Florian Palfrader, Simone Crusafio, Giuseppe y Anna Chierchia, Melanie Ties; **Domëgna 18.00:** Daniel y Luca Comploi, Richard y Emilie Comploi, Miriam y Alessia Kaneider; **Lönesc (7.25), Dédemesaledema (18.00) y Vëndres (7.10):** Mark y Kevin Kastlunger; **Dédölönesc y Jöbia ales 17.00 (Staziuns):** Herbert Piazza, Daniel Piazza, Catarina Frenner; **Sabeda 18.00:** Gabriel Willeit, Elena Ties, Gabriel Ties, Melanie Ploner, Mike Kaneider, Viktoria Frontull; **Domëgna 18 de merz - 10.00:** Max Palfrader, Alice y Luca Daverda, Aron, Asia y Mara Runnger; **Domëgna 18.00:** Anna y Jan Trebo, Martina Kaneider, Esther Comploi, Davide y Sara Fontanella.